

乾
益
縣
志

署

王火五



彰武縣志目錄

卷四

人事人物志

一 種族

二 宗教

三 農業

四 工商業

五 禮俗

六 名宦

七 薦紳 採訪

八 孝子

九 義舉

十 節婦

十一 賢婦 採訪


十二 烈婦 採訪

十三 烈女 採訪

卷四

人事志

虞廷以七政授時而庶績雍熙周代以九職任民而閭閻富庶古之人體國經野何嘗不於人事加之意乎今雖世道變遷人心不古而士多可造之材野有可風之俗商鮮習於詐僞工鮮習於淫巧先王之道猶有存焉因志人事



(一) 種族

縣境原係束魯荒爲蒙古遊牧之區在昔僅有蒙古外無他族至前清光緒二十二年放荒招墾漢人始來此報領地段於是蒙漢雜處後立集鎮回民間亦來此小販爲業然寥寥無幾故本境人民可分曰漢蒙回三種

漢族

漢族亦曰黃族初起黃河流域後代苗裔奄有中土自黃帝戰敗蚩尤遂爲中華民族之代表漢武帝征伐四夷聲威遠震故四夷之人皆稱中國爲漢族當漢秦之際有衛津者率漢人東奔朝鮮遂有其他及漢武帝滅朝鮮置四郡漢人之來者日衆雖屢受外夷之侵據不與外夷同化外夷反從而化之可以見

漢人之特性矣清初漢人皆編爲兵士世祖入關撥內地人民來此開墾聖祖世宗之時山東直隸之民源源而來投旗者仍爲漢軍未投旗者另編民籍與內地各省一律開科取士今統全境人民漢居十之八九原籍山東直隸居多山西河南間亦有之江南諸省則極寥寥

(丙) 蒙古族

蒙古即韃靼族商之鬼方周之獫狁漢之匈奴唐之契丹皆此族也宋之時有蒙兀室韋者居杭愛山之陽蒙兀即蒙古之轉音元太祖崛起沙漠兵力直達歐洲爲蒙古兵力第一元滅後其部族散居大漠南北爲內外蒙古清太宗滅察汗部蒙古諸部皆來附

(丁) 回族

回教起於阿剌伯初回回教祖穆罕默得創教於西方自號曰天方國其勢力由中亞細亞漸入天山南路隋文帝時其教始入中國唐明皇時安祿山之亂肅宗徵兵回紇及于闐其子率兵入援遂破祿山唐人以其有功許其雜居中土並建設禮拜寺是爲中國回民雜居之始至今陝甘等處回民極多即此故也其族亦不食豬肉菸酒爲戒律宰牛羊着阿訇殺一刀子孫遵守極嚴又不與他族結婚然以限界太分不能與他族共操作故生計日蹙惟以屠牛羊及小負販爲業城內及各鎮皆有之鄉間則無

(二) 宗教

河出圖洛出書聖人以神道設教以化天下無宗教之名而有宗教之實自後宗教愈多競爭愈烈入者主之出者奴之與教相爭而有司於以多事矣究之不必爭亦不必禁也佛陀言慈悲道家言感應耶氏倡博愛回教主清真皆所以發愚昧之思想而登之彼岸者也烏可厚非哉

(甲) 佛教

佛教一名釋教出於印度教主釋迦牟尼生於我國周靈王時其教以博愛普濟爲宗旨漢明帝時遣蔡愔求佛法於西域得佛經及二僧以還是爲中國有佛教之始遼金元起於北方皆崇拜佛寺滿清入關佛教與儒道並重至其支

派喇嘛教信仰尤深縣境有喇嘛廟住持並無比邱尼僧寺耳

(乙) 道教

道教託始於老子老子周時人姓李名耳字伯陽一字老聃爲周柱下火所著有道德經後戰國時有莊周者著南華經其要歸於老子以清淨無爲爲主漢初其教盛行張良願從赤松子遊其八世孫張道陵復以道術相授子孫世守其業號爲真人北方之有道教則自邱真人始真人南宋末人見元太祖於雪山以天道好生不嗜殺人爲諫太祖善之爲建長春宮弟子隨地傳教號爲龍門派清初建太清宮於瀋陽教徒散居四方縣境道掃無多道廟僅彰武城南門外及高山台二處而已

(戊) 耶穌教

耶穌教即基督新教當十六世紀時日耳曼馬丁路得反對羅馬教皇專制乃倡宗教革命別創新教曰耶穌其教旨沿舊教而脫其極桎教師得畜妻子一時信者風從而英德諸國信仰尤深在清同治時始入中國其傳至東三省最晚惟彰武城內有耶穌教堂居民信教者約一二十家

(三) 農業

國以民爲本民以食爲天故國首在養民而養民先在務農彰邑居塞北邊徼以外地勢高阜土質瘠薄無山林礦產之豐無水陸交通之利民所賴以生活者惟此農業而已茲將農業列後

(甲) 土宜

縣治附近第一區沙坨綿亘河流紛歧東南一帶土質多沙西北沙城相半穀宜包米高糧穀子木宜榆柳畜宜馬牛羊豕

縣治東南正東第二區地勢多山稍有平坦者穀宜包米穀子高糧黑豆土質黑墳甲於全境木宜楊柳畜宜牛羊豕馬

縣境東北正北第三四區地勢不平土多沙壤穀宜高糧包米木宜榆柳畜宜牛馬羊豕

縣境正北西北第五區地多沙坨土質鬆散可種者無多穀宜糜黍蕎麥綠豆木宜楊柳畜宜牛羊

縣境正西第六七區山崗沙坨錯雜不平土質沙城哈鎮圍蔬暢茂穀宜黍粱穀豆木宜楊柳梨畜宜牛羊馬豕

縣境正南西南第八區地勢凸凹不平土質沙城東臨柳河沙灘五穀不生迺西穀宜麻子高粱合豆木宜楊柳沿河西岸柳樹茂盛可以禦水畜宜馬牛羊豕

(乙) 農時

立春 陽曆二月初四初五日陰曆正月節陽氣始動舊制有司詣東郊行

迎春禮今廢

雨水 陽曆二月十九二十日陰曆正月中傭人就工農事始興

驚蟄 陽曆三月初五初六日陰曆二月節天氣漸暖蟄蟲始振修農器糞

田疇抽贖地畝皆以此日爲限

春分 陽曆三月二十一二十二日陰曆二月中日夜均平地初解凍草木

萌芽園蔬植蒜

清明 陽曆四月初五初六日又爲植樹節陰曆三月節天氣和暖百草滋

生種豌豆及大小麥

穀雨

陽曆四月二十一日陰曆三月中地氣通種早禾棉花舊制是

日有司詣先農行藉禮今廢

立夏

陽曆五月初六初七陰曆四月節陽氣方盛種五穀植雜蔬

小滿

陽曆五月二十一二十二日陰曆四月中陽氣發舒五穀方生補種

園蔬

芒種

陽曆六月初六初七日陰曆五月節農家植蔥分茄秧耘早田

夏至

陽曆六月二十一二十二日陰曆五月中日長至王瓜生雲豆熟田

晴再耘

小暑 陽曆七月初七初八日陰曆六月節溫風至豌豆熟田疇再耘

大暑 陽曆七月二十三二十四日陰曆六月中天氣炎熱大雨時行小麥

拔蕎麥生蘿蔔出菰芥初種

立秋 陽曆八月初八初九日陰曆七月節涼風起瓜初熟修理樹株

處暑 陽曆八月二十三二十四日陰曆七月中濕氣盛百物霉農人漚麻

白露 陽曆九月初八初九日陰曆八月節白露降農始忙拾棉花割早禾

秋分 陽曆九月二十三二十四日陰曆八月中日夜平分百穀熟收穫禾

稼

寒露 陽曆十月初八初九日陰曆九月節築場圃納禾稼動用車輛